



MES 1 22 0000946904



25/08/2022

აჭარის ავტონომიური რესპუბლიკის განათლების, კულტურისა და სპორტის სამინისტროს
სატენდერო კომისიის სხდომის ოქმი N 52-2

ქალაქი ბათუმი

სხდომას ესწრებოდნენ:

კომისიის თავმჯდომარე:

ჯემალ სურმანიძე - მინისტრის პირველი მოადგილე;

კომისიის წევრები:

თამარ სირია - იურიდიული დეპარტამენტის უფროსი

ნაზიბროლა ბერიძე - გაბაიძე - განათლების დეპარტამენტის უფროსი;

მანუჩარ ხინიკაძე - სახელმწიფო შესყიდვების დეპარტამენტის უფროსი.

სატენდერო კომისიის აპარატის წევრი:

ნინო ღოღობერიძე - სახელმწიფო შესყიდვების დეპარტამენტის მეორე კატეგორიის უფროსი
სპეციალისტი.

სხდომას არ ესწრებოდნენ:

კომისიის წევრები:

ზაურ ახვლედიანი - მინისტრის მოადგილე (მივლინება);

რავშან ბეჟანიძე - ადმინისტრაციული დეპარტამენტის უფროსი (შვებულება).

დღის წესრიგი:

აჭარის ავტონომიური რესპუბლიკის განათლების, კულტურისა და სპორტის სამინისტროს
მიერ სსიპ ქალაქ ბათუმის N16 საჯარო სკოლის ახალი შენობის მშენებლობის სამუშაოების
მრავალწლიანი (2022-2025 წწ) სახელმწიფო შესყიდვის სატენდერო პირობების დამტკიცება და
ელექტრონული ტენდერის ხელახლა გამოცხადება.

მოისმინეს:

აღინიშნა, რომ აჭარის ავტონომიური რესპუბლიკის განათლების, კულტურისა და სპორტის
სამინისტროს პროგრამის „საგანმანათლებლო დაწესებულებების ინფრასტრუქტურის
გაუმჯობესება, ინვენტარით აღჭურვა და საჯარო სკოლის მოსწავლეების ტრანსპორტით
უზრუნველყოფა“ ქვეპროგრამის - „საჯარო სკოლების ინფრასტრუქტურის გაუმჯობესება“
ფარგლებში, 2022 წლის სახელმწიფო შესყიდვების წლიური გეგმის, აჭარის ავტონომიური
რესპუბლიკის ფინანსთა და ეკონომიკის სამინისტროს 2022 წლის 25 აგვისტოს N 01-01-7/3830
წერილის, საპროექტო-სახარჯთაღრიცხვო დოკუმენტაციის და კოორდინატორების 2022 წლის
25 აგვისტოს MES 3 22 0000946825 მოხსენებითი ბარათის (ბაზრის კვლევა) შესაბამისად, უნდა

გამოცხადდეს ელექტრონული ტენდერი სსიპ ქალაქ **ბათუმის N16** საჯარო სკოლის ახალი შენობის მშენებლობის სამუშაოების მრავალწლიან სახელმწიფო შესყიდვაზე.

შესყიდვის სავარაუდო ღირებულება შეადგენს 17 388 170 ლარს, დღგ-ს გათვალისწინებით (სავარაუდო განაწილება: 2022 წელი - 500 000 ლარი, 2023 წელი - 5 500 000 ლარი, 2024 წელი - 5 500 000 ლარი, 2025 წელი - დანარჩენი).

საპროექტო-სახარჯთაღრიცხვო დოკუმენტაცია მომზადებულია სს „აჭარკაპშმენი“-ს მიერ, ხოლო ტენდერის გამოცხადებამდე განხორციელდა ხარჯთაღრიცხვის გადაფასება მოქმედი ფასების გათვალისწინებით.

პრეტენდენტთა გამოცდილების მიმართ, კოორდინატორების ზემოაღნიშნული მოხსენებითი ბარათის შესაბამისად, დადგინდეს შემდეგი მოთხოვნები:

ა) ტენდერში მონაწილე პრეტენდენტს (შესყიდვაში მონაწილეობის მსურველ პირს) 2019 წლის 01 იანვრიდან, ტენდერისათვის „წინადადებების მიღება დასრულებულია“ სტატუსის მინიჭების თარიღამდე პერიოდში, საქართველოს ტერიტორიაზე ან/და სხვა ქვეყნის ტერიტორიაზე (გარდა იმ ქვეყნის ტერიტორიისა, სადაც რეგისტრირებულია პრეტენდენტი) ჯამში 17 388 170 ლარის, მათ შორის არაუმეტეს 1 (ერთი) დასრულებული ხელშეკრულების ფარგლებში, შესრულებული უნდა ქონდეს არანაკლებ 8 694 085 ლარის ღირებულების, სამოქალაქო დანიშნულების შენობ(ებ)ის მშენებლობის, ან რეკონსტრუქციის, ან რეაბილიტაციის სამუშაოები (გამოცდილებაში არ ჩაითვლება გზების, ხიდების, გაბიონების, საყრდენი კედლების, სანიაღვრე არხების, ეზოების, ქუჩების მოწყობის/რეაბილიტაციის და მსგავსი სამუშაოები, გარდა იმ შემთხვევისა, თუ ეს სამუშაოები სხვა ძირითადი სამუშაოების თანმდევი სამუშაოებია).

შენიშვნა: გამოცდილების სრული მოცულობა გაანგარიშებულია შესასყიდი სამუშაოების ღირებულების ერთმაგი ოდენობით, ხოლო მათ შორის ერთი ხელშეკრულების ფარგლებში არსებული გამოცდილების ოდენობა ნახევარი ოდენობით.

ბ) ამასთან, გამოცდილებაში ჩაითვლება მხოლოდ დასრულებული სამუშაოები, რაზედაც გაფორმებულია საბოლოო მიღება-ჩაბარების აქტები, ხოლო იმ შემთხვევაში, თუ პრეტენდენტის მიერ სახელმწიფო შესყიდვის ფარგლებში განხორციელებულია სამუშაოები, როგორც ქვეკონტრაქტორის მიერ (მიუხედავად იმისა, თუ მერამდენე ქვეკონტრაქტორია), განხორციელებული სამუშაოები მხოლოდ იმ შემთხვევაში ჩაითვლება გამოცდილებად, თუ საბოლოო მიღება-ჩაბარების აქტი გაფორმებულია ძირითად კონტრაქტორებს შორისაც, ამასთან, პრეტენდენტი ვალდებულია წარმოადგინოს აღნიშნული აქტი, თუ იგი არ არის განთავსებული შესაბამისი შესყიდვის გვერდზე.

გ) გასათვალისწინებელი გარემოება ამხანაგობის, როგორც პრეტენდენტის ტენდერში მონაწილეობის შემთხვევაში:

ამხანაგობის ელექტრონულ ტენდერში მონაწილეობის საკითხი რეგულირდება სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს 24-ე მუხლის შესაბამისად.

დ) იმ შემთხვევაში, თუ პრეტენდენტს ცხრილში მითითებული აქვს საქართველოში განხორციელებული არასახელმწიფო შესყიდვა ან საქართველოს ფარგლებს გარეთ ნებისმიერი მიწოდება, მაშინ მან უნდა წარმოადგინოს ამ შესყიდვებზე ხელშეკრულებები,

მიღება-ჩაბარების აქტები (ან მასთან გათანაბრებული დოკუმენტაცია), აღნიშნულ სამუშაოებზე დადასტურებული საგადასახადო ანგარიშ-ფაქტურების ქსეროასლები (სხვა ქვეყნის შემთხვევაში - მსგავსი დოკუმენტი) და ამ ხელშეკრულების ფარგლებში გადახდის დამადასტურებელი დოკუმენტები (საბანკო ან/და სალაროს ქვითრები). ამასთან, ახალი მშენებლობის ან/და რეკონსტრუქციის შემთხვევაში, აღნიშნული სამუშაოები გამოცდილებად ჩაითვლება მხოლოდ იმ შემთხვევაში, თუ მშენებლობა დასრულებულია და შენობა ექსპლოატაციაშია მიღებული, მიუხედავად იმისა, პრეტენდენტის მიერ სამუშაოების რა ნაწილია შესრულებული. ასევე წარმოდგენილი უნდა იქნეს ექსპლოატაციაში მიღების დოკუმენტი.

შენიშვნა: სახელმწიფო შესყიდვის ფარგლებში, ქვეკონტრაქტით განხორციელებული მიწოდება განიხილება არასახელმწიფო შესყიდვად.

ე) იმ შემთხვევაში, თუ პრეტენდენტის მიერ სახელმწიფო შესყიდვის ფარგლებში განხორციელებულია სამუშაოები, როგორც ქვეკონტრაქტორის მიერ და ძირითად მხარეთა შორის გაფორმებული სახელმწიფო შესყიდვის შესახებ ხელშეკრულება მიმწოდებლის მიერ ქვეკონტრაქტორის გამოყენებას ითვალისწინებს მხოლოდ შემსყიდველი ორგანიზაციის თანხმობის ან/და ინფორმირების შემთხვევაში, მიმწოდებელმა კი ხელშეკრულების ფარგლებში ნაკისრი ვალდებულებების ნაწილი მესამე პირს შესასრულებლად გადასცა ასეთი თანხმობის/ინფორმირების გარეშე, შესრულებული სამუშაოები არ ჩაითვლება გამოცდილებად. ამასთან, პრეტენდენტი ვალდებულია წარმოადგინოს ასეთი თანხმობის/ინფორმირების დამადასტურებელი დოკუმენტაცია, თუ მსგავსი დოკუმენტაცია არ არის განთავსებული შესაბამისი ტენდერის გვერდზე.

ამასთან, სახელმწიფო შესყიდვის ფარგლებში, როგორც ქვეკონტრაქტორის მიერ განხორციელებულია სამუშაოები ითვლება საქართველოში განხორციელებულ არასახელმწიფო შესყიდვად და მასზე ვრცელდება სატენდერო დოკუმენტაციის 2.2.1. პუნქტის „დ“ ქვეპუნქტის მოთხოვნა.

ვ) იმ შემთხვევაში თუ, სამუშაოების შესყიდვა განხორციელებული არის სახელმწიფო შესყიდვების ერთიანი ელექტრონული სისტემის გამოყენებით ([w.w.w. http://procurement.gov.ge/](http://procurement.gov.ge/)) და საბოლოო მიღება-ჩაბარების აქტი დამკვეთის (შემსყიდველი) მიერ ატვირთული არის სახელმწიფო შესყიდვების ერთიანი ელექტრონულ სისტემაში, შესაძლებელია წარმოდგენილი იყოს დოკუმენტაცია/ინფორმაცია სახელმწიფო შესყიდვების ერთიანი ელექტრონულ სისტემის საშუალებით ჩატარებული შესყიდვის საშუალების ნომრის (SPA, DAP; NAT, DEP; MEP; TEP; GEO: CMR ან სხვა არსებობის შემთხვევაში) შესახებ.

ზ) იმ შემთხვევაში თუ დამკვეთი (შემსყიდველი) და შემსრულებელი (პრეტენდენტი ან ამხანაგობის წევრი) არის ერთი და იგივე პირი და არ არსებობს სამუშაოების მიწოდებაზე გაფორმებული ხელშეკრულება, შესაძლებელია წარმოდგენილი იქნას აუდიტორული ფორმების ან/და აუდიტორების სახელმწიფო რეესტრში რეგისტრირებული პირის მიერ გაცემული შესაბამისი დასკვნა (დასკვნაში მითითებული უნდა იყოს დასკვნის გამცემი პირის სახელმწიფო რეესტრში რეგისტრაციის ნომერი და აღნიშნული უნდა იძებნებოდეს <https://www.saras.gov.ge> ვებ-გვერდზე შესაბამის რეესტრში), რომლითაც უნდა დასტურდებოდეს, რომ პრეტენდენტს ზემოაღნიშნული პერიოდის განმავლობაში გააჩნია მოთხოვნილი ღირებულების და შინაარსის სამშენებლო-სარეაბილიტაციო სამუშაოების შესრულების გამოცდილება. ახალი მშენებლობის ან/და რეკონსტრუქციის შემთხვევაში, ასევე წარმოდგენილი უნდა იქნეს ექსპლოატაციაში მიღების დოკუმენტი.

თ) იმ შემთხვევაში, თუ პრეტენდენტს გამოცდილება მიღებული აქვს სახელმწიფო საიდუმლოებასთან დაკავშირებული სამუშაოების შესრულებით („გრივით საიდუმლო“), საკმარისია შესრულებული სამუშაოების შესახებ დამკვეთის მიერ გაცემული ცნობის (წერილის) წარმოდგენა. ამ დოკუმენტის მეშვეობით უნდა დგინდებოდეს 2.2.1.1 პუნქტით განსაზღვრულ მოთხოვნასთან შესაბამისობა.


ი) ყველა ზემოაღნიშნულ შემთხვევაში, თუ ხელშეკრულება დადებულია ან/და სამუშაოები აღწეულია 2019 წლის 01 იანვრამდე, გამოცდილებაში ჩაითვლება მხოლოდ ის სამუშაოები, რომელიც შემსყიდველს/დამკვეთს მიღებული აქვს 2019 წლის 01 იანვრის შემდეგ, ხოლო წინამდებარე მუხლის „ზ“ პუნქტის შემთხვევაში - ის სამუშაოები, რომელთა შესრულებაც, წარმოდგენილი დოკუმენტაციის მიხედვით დასტურდება 2019 წლის 01 იანვრის შემდგომ პერიოდში.

კომისიას წარედგინა ელექტრონულ ტენდერთან დაკავშირებით შემუშავებული სატენდერო დოკუმენტაცია.


კომისიამ ერთხმად დაადგინა:

1. დამტკიცდეს სსიპ ქალაქ **ბათუმის N16** საჯარო სკოლის ახალი შენობის მშენებლობის სამუშაოების მრავალწლიან (2022-2025 წწ) სახელმწიფო შესყიდვაზე ელექტრონული ტენდერის სატენდერო პირობები ოქმზე თანდართული რედაქციით.
2. შესყიდვის სავარაუდო ღირებულებად განისაზღვროს 17 388 170 ლარი, ხოლო სატენდერო წინადადების ფასის კლების ბიჯად - 200 000 ლარი.
3. ელექტრონული ტენდერი გამოცხადდეს ვაჭრობის დაფარული მონაცემებით (აუქციონის გარეშე).
4. დაევალოს სატენდერო კომისიის აპარატს ტენდერის გამოცხადების პროცედურების განხორციელება.

საქართველოს განათლების, მეცნიერების, კულტურისა
და სპორტის სამინისტრო / აჭარის ავტონომიური
რესპუბლიკის განათლების, კულტურისა და სპორტის
სამინისტრო / სახელმწიფო შესყიდვების
დეპარტამენტი
მეორე კატეგორიის უფროსი სპეციალისტი
ლოლობერიძე ნინო



სახელმწიფო შესყიდვების
დეპარტამენტის უფროსი
ხინიკაძე მანუჩარ



განათლების დეპარტამენტი
დეპარტამენტის უფროსი
ბერიძე-გაბაიძე ნაზიბროლა

ნ. ბერიძე-გაბაიძე

აჭარის ავტონომიური რესპუბლიკის განათლების,
კულტურისა და სპორტის სამინისტრო
იურიდიული დეპარტამენტი
დეპარტამენტის უფროსი
სირია თამარ



ჯემალ სურმანიძე
მინისტრის პირველი მოადგილე

